



## 愛的跂步聲

好親像  
勻勻仔、輕輕仔的跂步聲  
一步一步，慢慢仔咧倚(uá)近  
是伊  
是伊  
敢會是伊  
足久，足久  
攏無聽著個的聲息矣(ah)  
毋知個這馬啥物款樣  
有時陣一下慇神  
就有一个感覺  
若(ná)親像  
一步一步的跂步聲  
慢慢仔咧倚近  
足數念的

好親像  
勻勻仔、輕輕仔的跂步聲  
一步一步，慢慢仔咧倚近  
自細漢  
聽到大漢  
上熟似的聲音  
除了伊的講話聲  
就是伊的跂步聲

有一點仔輕，有一點仔沉，有一點仔在  
自從伊  
中風破病  
就毋捌閣聽過這熟似的聲音  
定定佇眠夢中  
聽著伊熟似的跂步聲  
勻勻仔咧倚過來  
足感心的

好親像  
勻勻仔、輕輕仔的跂步聲  
一步一步，慢慢仔咧倚近  
是伊  
是伊  
應該就是伊  
伊是我暝日思慕的夢中人  
遮爾真，遮爾嬌(suí)，遮爾好心肝  
我的世界  
有伊來參加  
就是上蓋嬌的好世界  
日仔時咧啄龜(tok-ku)  
有聽著  
勻勻仔、輕輕仔的跂步聲  
一步一步，慢慢仔咧倚近  
足溫暖的

## 創作理念

對一對兒女長長綿密的想念，經常都會不經意地想到他們，對於父子離異的痛是難以掩飾的。  
對阿母的愛，阿母對我的愛，長久都是相互交織著的，無能陪伴在重病在身的阿母身邊，一直都是心裡面的痛。  
對她的愛，是那麼的濃郁香醇，魂縈夢繫都是美麗溫柔的伊人。

## 陳善濶

嘉義縣立大埔國民中學幹事

